

Na osnovu člana 66. stav 1. i 2. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), čl. 38. i 47. Zakona o plaćama i naknadama u organima vlasti Kantona Sarajevo („Službene novine Kantona Sarajevo“, br. 5/19, 40/22 i 6/25), uz pribavljeno mišljenje Sindikalne organizacije Kantonalnih organa državne službe Kantona Sarajevo i Ministarstva finansija Kantona Sarajevo, direktorica Kantonalnog zavoda za pružanje besplatne pravne pomoći, donosi:

**PRAVILNIK O IZMJENAMA I DOPUNAMA
PRAVILNIKA O PLAĆAMA I NAKNADAMA IMENOVANOG LICA, DRŽAVNIH SLUŽBENIKA
I NAMJEŠTENIKA KANTONALNOG ZAVODA ZA PRUŽANJE BESPLATNE PRAVNE
POMOĆI**

Član 1.

U Pravilniku o plaćama i naknadama imenovanog lica, državnih službenika i namještenika Kantonalnog zavoda za pružanje besplatne pravne pomoći („Službene novine Kantona Sarajevo“, br. 52/22 i 10/24), poglavlje II., iza riječi „PLAĆE“, dodaje se riječ „IMENOVANOG LICA“,.

Član 2.

Član 3. stav (1) mijenja se i glasi:

„Imenovano lice ima pravo na plaću od dana stupanja na dužnost, u skladu sa propisima o izboru i imenovanju, odnosno postavljenju“.

Dosadašnji stav (1) postaje stav (2), a dosadašnji stav (2) postaje stav (3).

Član 3.

Član 7. mijenja se i glasi:

„Utvrdjuju se sljedeći platni razredi i koeficijenti za plaće za državne službenike Zavoda:

Redni broj	Platni razred	Naziv radnog mjesta	Koeficijent
1.	III	Pomoćnik direktora za upravni postupak, upravni spor, parnični, vanparnični i izvršni postupak	5,70
2.	III	Pomoćnik direktora za krivični i prekršajni postupak	5,70
3.	IV	Stručni savjetnik – pravni zastupnik za pružanje besplatne pravne pomoći u upravnom postupku, upravnom sporu, parničnom, vanparničnom i izvršnom postupku	5,20
4.	IV	Stručni savjetnik – pravni zastupnik za pružanje besplatne pravne pomoći u krivičnom i prekršajnom postupku	5,20
5.	VIII	Stručni savjetnik za ekonomske poslove	4,10
6.	VIII	Stručni savjetnik za pravne i kadrovske poslove	4,10
7.	X	Stručni saradnik za pružanje besplatne pravne pomoći iz upravne i građanske oblasti	3,70
8.	X	Stručni saradnik za pružanje besplatne pravne pomoći iz krivične i prekršajne oblasti	3,70

Član 4.

Član 16. stav (1) mijenja se i glasi:

„Državni službenik i namještenik ima pravo na naknadu plaće u punom iznosu za vrijeme plaćenog dopusta.“

Član 5.

Član 17. mijenja se i glasi:

„Državni službenik i namještenik ima pravo na naknadu plaće u punom iznosu za vrijeme korištenja godišnjeg odmora do 36 dana.“

Član 6.

Član 18. stav (1) mijenja se i glasi:

„Državni službenik i namještenik ima pravo na naknadu plaće u punom iznosu za vrijeme privremene spriječenosti za rad (bolovanje) do 42 kalendarska dana.“

Član 7.

U članu 30. stav (2) riječ: „Odlukom“, zamjenjuje se riječju: „Propisom“.

Član 8.

Iza člana 31. dodaje se novi član 32. koji glasi:

„Prava iz čl. 16. do 18., te od 20. do 25., te člana 31., imenovano lice ostvaruje na način i pod uslovima utvrđenim u ovim članovima za državne službenike i namještenike Zavoda.“

Dosadašnji čl. 32., 33., 34., 35. i 36., postaju čl. 33., 34., 35., 36., i 37.

Član 9.

Ovaj Pravilnik stupa na snagu narednog dana od dana objavljivanja u „Službenim novinama Kantona Sarajevo“.

Broj: 28-01-30-1-88/25

23. juni 2025. godine

Sarajevo

DIREKTORICA

Emina Herdic, dipl. pravica

